

太常續考

三



詳校官編修臣曹振鏞

編修臣程嘉謨覆勘

總校官中書臣朱 鈐

校對官中書臣葉 葵

謄錄監生臣宋允辰

欽定四庫全書

太常續考卷三

春秋社稷事宜

社稷壇建于午門之右為制二成四面石階各三級上成用五色土中黃東青南赤西白北驪壇西砌瘞位四面開櫺星門西門外西南建神庫庫南為神厨北門外為拜殿外門亦四座西門外南為宰牲亭

一成上東為太社西為太稷皆北向以后土勾龍氏西

向後稷氏東向配歲仲春秋上戊日上親行禮凡國有
大事則祭告吳元年太社太稷異壇同壇建于宮城之
右北向以勾龍后稷配社石主半埋土中稷不設主命
協律郎冷謙考正雅樂音律及鐘磬等器并定樂舞之
制令社稷正配位俱用祝文每獻禮先獻太社及配位
次獻太稷洪武元年令風雨齋宮望祭三年建祭殿於
壇北又北為拜殿以備風雨四年定祭太社太稷正位
用祝文配位不用六年八月奉旨凡祭祀受胙不要神

前祭肉上旋割取便從明日祭社稷為始別用一犢先割一胙安在酒尊左右候賜胙時捧上來與受胙者十年上曰古人以社為五土之神稷為五穀之神土主發生五穀用之以生而乃一圍之中各壇而祭是土穀不合於生生之意也行禮之時先社固宜而又先奠社配乃行稷神之禮此果合人情乎乃更祀社稷于闕右同壇同壝埋石主於壇中更為社稷神牌而丹漆之臨祭并設自奠帛至終獻皆同時行禮是年以禮官張籌議

罷勾龍后稷配仁祖西向三十二年以後撤仁祖配太祖永樂中京師壇成位置如故仁宗又奉成祖配嘉靖九年世宗皇帝諭禮官奉太祖成祖配位藏太寢仍以勾龍后稷配洪武元年太祖命省臣議於社稷上創屋以備風雨翰林學士陶安奏禮天子太社必受風雨霜露以達天地之氣若亡國之社則屋之不受天陽也今於壇創屋非宜若祭而遇風雨則於齋宮望祭從之

二月上戊日祭太社稷

一前期十日本寺題請聖駕詣社稷壇致祭并題前一
日夜開長安等門放樂舞生并陪祀官員

一本寺委協律郎提調樂舞生執事于太和殿朝夕演
習禮樂

一前期八日行手本知會鴻臚寺于前期三日請陞殿
奏祭祀

一前期四日行揭帖知會司禮監奏祭祀

一前期三日本寺官具公服于皇極殿候鳴鞭訖跪奏

云太常寺卿臣某等謹奏本年二月某日祭至聖先
師孔子某日傳制遣某官行禮某日祭太社太稷本
日子時恭候聖駕致祭文武百官自某日為始致齋
三日請旨承旨叩三頭一揖一躬退如其日免朝則具本題知同
日屬官率鋪排執御仗紗燈進齋戒牌銅人于文華
殿東九五齋北向仍出示長安門

一齋牌 年二月某日祭至聖先師孔子某日祭

太社太稷自某日午後沐浴更衣某日為始致齋三

日

一東西長安門告示太常寺為祭祀事照得 某年

二月某日祭先師孔子某日祭社稷百官自某日午
後沐浴更衣於本衙門宿歇某日為始致齋三日其
祭先師孔子文官六品以下先期赴廟瞻拜應該陪
祀官員除年老殘疾瘡疥體氣刑餘喪過之人不與
外文官五品以上六科都給事中祭社稷文官五品
以上六科都給事中武官四品以上皇親指揮千百

戶等官各具祭服伺候陪祀合行告示知會

是日早樂舞生詣社稷壇并拜殿各門燒香本寺官詣

太和殿演禮樂畢詣犧牲所看牲

一行揭帖知會司禮監奏省牲

如次日不朝則不具揭帖

一前期二日本寺卿同光祿寺卿具朝服于中樞殿跪

奏云太常寺等衙門卿臣某等謹奏本月某日臣等

恭詣社稷壇省牲請旨承旨不叩頭一躬退

如其日不朝則

具本題知

一行揭帖知會司禮監填祝版

一前期一日本寺卿同光祿寺卿省牲畢同具本復命
同日早博士恭捧祝版于東平臺候上填御名訖捧
安于社稷神庫同日本寺官率厨役洗玉爵祭器豎
庭燎午後率樂舞生陳設樂器夜二鼓奉安神牌陳
設籩豆牲隻太社之神居東北向太稷之神居西北
向勾龍氏居東西向后稷氏居西東向配

一陳設

無出

祝卓

禮神帛壹段玄色春秋同

太社之神

玉爵一犧爵二獻樽一羊豕各一登一
釗二豆豆各二豆各十二

饌卓

太稷北向居西壹案陳設同



勾龍氏后稷氏二案陳設俱同惟無玉三爵皆用磁

一儀注

祭日子時上乘輿繇西闕門入至壇門東降輿導引官

導上至具服繇拜殿右門出內贊對引官導上行典

儀

唱

樂舞生就位執事官各司其事內贊奏就位

位設

于北櫺
星門外

典儀

唱

瘞毛血

唱

迎神奏樂內贊奏陞壇導

上陞至太社香案前奏跪奏摺圭奏上香奏出圭導

上至太稷香案前儀同太社奏復位近年多臨時遇

風雨請

旨本寺卿代上香

本寺少卿跪上勾龍氏后稷氏二

爐香樂止奏四拜

傳贊百官同

典儀

唱奠玉帛行初獻禮

奏樂執事官捧玉帛爵于神位前跪奠訖樂暫止內

贊奏跪

傳贊百官皆跪

典儀

唱

讀祝讀訖樂復作內贊奏俯

伏興平身

傳贊百官同

樂止典儀

唱

亞獻禮奏樂執事官

捧爵詣各神位前跪奠訖樂止典儀

唱

終獻禮奏樂儀

同亞獻樂止本寺卿立祝卓前東向

唱

賜福胙光祿

寺官捧福酒胙下至御拜位跪進于上右內贊奏跪

奏搢圭奏飲福酒飲訖奏受胙受訖奏出圭奏俯伏

興平身奏四拜

傳贊百官同

典儀

唱

徹饌奏樂樂止典儀

唱

送神奏樂內贊奏四拜

傳贊百官同

樂止典儀

唱

讀祝

官捧祝掌祭官捧帛饌各詣瘞位

唱

望瘞奏樂捧祝

帛饌官下級奏禮畢導引官導上回具服殿易祭服

回宮

如遇風雨上于拜殿行禮

一祝文維

年歲次

二月朔日嗣天子御名

敢昭告于太社之神太稷之神惟神贊輔皇祇發生